

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 37. stav (1) i 46. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 17. sjednici, održanoj dana 20.04.2023. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za poticaje u poljoprivredi za 2023. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2023. godinu, ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“

I.

Usvaja se Program utroška sredstava Budžeta za poticaje u poljoprivredi za 2023. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), ekonomski kod 614400, NAD 402, pozicija „Subvencije za podsticaj razvoja u poljoprivrednoj proizvodnji“, u iznosu od 5.500.000,00 KM (slovima: petmilijonapetstotina hiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona za 2023. godinu u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonskim i podzakonskim aktima realizuju ovaj zaključak svako u okviru svojih nadležnosti.

IV.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 20.04.2023. godine
Z e n i c a

DOSTAVLJENO:

1x Ministarstvu za poljoprivredu,
šumarstvo i vodoprivredu,
1x Ministarstvu finansija,
1x a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU

PROGRAM
utroška sredstava Budžeta Zeničko-dobojskog kantona
za poticaje u poljoprivredi za 2023. godinu

Zenica, april 2023. godine

PROGRAM
utroška sredstava Budžeta Zeničko-dobojskog kantona
za poticaje u poljoprivredi za 2023. godinu

Opći podaci o Programu

1. Program je usvojen: Na 17. sjednici Vlade Zeničko-dobojskog kantona održanoj dana 20.04.2023. godine.
2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2023. godine. U ovom periodu izvršit će se i isplata podrški za proizvodnje koje su započete u 2022. godini, a završene u 2023. godini.
3. Ukupna vrijednost Programa: 5.500.000,00 KM
4. Namjena Programa: Podrška primarnoj animalnoj i biljnoj proizvodnji, prerađivačima i otkupljivačima, kapitalnim ulaganjima u poljoprivredi i ostalim vrstama podrške
5. Korisnici Programa: Poljoprivredni proizvođači, zadruge, udruženja poljoprivrednih proizvođača, otkupljivači, prerađivači poljoprivrednih i prehrambenih proizvoda i dr.
6. Izvor sredstava: Budžet Zeničko-dobojskog kantona za 2023. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i Zakon o izvršavanju Budžeta Zeničko- dobojskog kantona za 2023. godinu ("Službene novine Zeničko-dobojskog kantona", broj: 3/23)
7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
8. Odgovorna osoba: Vinko Marić, ministar

UVOD

Programom utroška sredstava Budžeta Zeničko-dobojskog kantona za poticaje u poljoprivredi za 2023. godinu određuje se godišnji iznos sredstava novčanih podrški, vrste mjera i raspodjela sredstava po mjerama, te opći i posebni kriteriji za njihovo ostvarivanje. Kod izrade Programa utroška sredstava Budžeta Zeničko-dobojskog kantona za poticaje u poljoprivredi za 2023. godinu (u daljem tekstu: Program) vodilo se računa o:

- a) Zakonu o poljoprivredi („Službene novine Federacije BiH“, broj: 88/07, 4/10, 27/12, 7/13 i 82/21)
- b) Zakonu o novčanim podrškama u poljoprivredi i ruralnom razvoju („Službene novine Federacije BiH“, broj: 42/10 i 99/19); (u daljem tekstu: Zakona o novčanim podrškama)
- c) Principima Strategije razvoja Zeničko-dobojskog kantona za period 2021.-2027. godina Odluka o usvajanju Strategije razvoja Zeničko-dobojskog kantona za period 2021.-2027. godina („Službene novine Zeničko-dobojskog kantona“, broj: 3/21)
- d) Zakonu o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23)

Po Programu za 2023. godinu opredijeljena su sredstva za poticaje u poljoprivredi u ukupnom iznosu od 5.500.000,00 KM.

U izradi Programa za 2023. godinu korišteni su sljedeći parametri:

- proizvodne resursne mogućnosti Zeničko-dobojskog kantona,
- mjere Strategije razvoja Zeničko-dobojskog kantona za period 2021.-2027. godina,
- kontinuitet poticajnih mjera,
- analize realizacije podrški u proteklom periodu,
- mogućnosti plasmana poticanih proizvodnji,
- sinhronizacija sa federalnim podrškama,
- preporuke stručnih poljoprivrednih službi Ministarstva, koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije,
- preporuke registrovanih prerađivača poljoprivrednih proizvoda, poljoprivrednih udruženja i poljoprivrednih zadruga sa područja Zeničko-dobojskog kantona.

I POGLAVLJE - CILJEVI I SVRHA PROGRAMA

1. CILJEVI PROGRAMA

U Programu poticaja za 2023. godinu realizovat će se prioritetne mjere novčanih podrški po modelu poticaja proizvodnji i dio mjera strukturne politike koje trebaju doprinijeti ispunjavanju sljedećih ciljeva:

- a. unapređenje poljoprivredne proizvodnje i povećanje obima korištenja poljoprivrednog zemljišta s ciljem jačanja konkurentnosti na domaćem i inozemnom tržištu,
- b. uspješnije uvođenje novih tehnologija,
- c. uvezivanje primarnih poljoprivrednih proizvođača sa prerađivačima/otkupljivačima u Zeničko-dobojskom kantonu,
- d. povećanje otkupa poljoprivrednih proizvoda sa područja Zeničko-dobojskog kantona;
- e. očuvanje stočnog fonda,
- f. povećan nivo korištenja poljoprivrednog zemljišta i šira primjena agrotehničkih mjera u obradi zemljišta,
- g. povećan nivo korištenja ukupno raspoloživih resursa za poljoprivrednu proizvodnju,
- h. povećano upošljavanje u primarnoj poljoprivrednoj proizvodnji i prehrambenoj industriji,
- i. povećanje finansijskih ulaganja u primarnu poljoprivrednu proizvodnju, a posebno u prehrambenu industriju,

Ministarstvo za poljoprivredu, šumarstvo i vodoprivredu

- j. osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača.

2. SVRHA PROGRAMA

Svrha Programa je nastaviti podršku prioritetnim mjerama u okviru raspoloživog budžeta, kako bi se osigurala kontinuirana isplata poticaja proizvodnji i plaćanja u sklopu mjera strukturne politike za 2023. godinu. Direktnim podrškama, kao i strukturnim mjerama, želi se osigurati dugotrajna održivost poljoprivrednih gazdinstava koja obavljaju poljoprivrednu djelatnost u biljnoj i animalnoj proizvodnji. Pored modela poticanja proizvodnji, u Programu su zastupljeni i drugi modeli novčanih podrški iz Zakona o novčanim podrškama u poljoprivredi i ruralnom razvoju.

A/ Podrška poljoprivrednoj proizvodnji

A/1 Animalna proizvodnja

- Podrška za proizvodne farme za tov brojlera
- Podrška za držanje koka nosilja
- Podrška za registrovane farme goveda i ostale obrte i pravna lica koji proizvode svježe kravlje mlijeko
- Podrška za registrovanu ovčarsku ili kozarsku proizvodnju
- Podrška za registrovanu svinjogojsku proizvodnju
- Podrška za registrovani uzgoj izvornih i zaštićenih pasmina životinja

A/2 Biljna proizvodnja

- Podrška za proizvodnju presadnica povrća
- Podrška za poljoprivrednu proizvodnju u plastenicima i staklenicima
- Podrška za proizvodnju maline, kupine, plantažne borovnice i aronije
- Podrška za proizvodnju krastavca-kornišona
- Podrška za zasnivanje novih zasada jagodičastog voća
- Podrška za zasnivanje novih zasada koštičavog, jabučastog i jezgrastog voća
- Podrška za proizvodnju gljiva
- Podrška za registrovanu proizvodnju jagodičastog i ostalog voća

A/3 Organska proizvodnja

- Podrška za certificiranje organske poljoprivredne proizvodnje

B/ Podrška otkupljivačima/prerađivačima

- Podrška otkupljivačima/prerađivačima mlijeka
- Podrška otkupljivačima/prerađivačima pilećeg mesa
- Podrška otkupljivačima svježeg povrća i voća
- Podrška registrovanim otkupljivačima ljekovitog bilja
- Podrška otkupljivačima jagodičastog voća
- Podrška prerađivačima jagodičastog voća
- Podrška otkupljivačima bobičastog voća i nekultivisanih gljiva

C/ Podrška kapitalnim ulaganjima

- Podrška za nabavku mehanizacije
- Podrška za nabavku plastenika

D/ Ostale vrste podrški

- Podrška registrovanim obrtima iz oblasti pčelarstva
- Podrška za ujednačeni razvoj općina ruralnog područja Zeničko-dobojskog kantona
- Finansiranje sajmovi i izložbi
- Nerealizovani zahtjevi iz prethodnog perioda i pomoć u posebnim okolnostima

II KRITERIJI ZA RASPODJELU SREDSTAVA

Ministarstvo za poljoprivredu, šumarstvo i vodoprivredu

Odobrena finansijska sredstva iz Budžeta Zeničko-dobojskog kantona za 2023. godinu pod stavkom „Subvencije za podsticaj razvoja u poljoprivrednoj proizvodnji“ opredjelit će se korisnicima, prema općim i posebnim kriterijima.

1. OPĆI KRITERIJ

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili koji poljoprivrednu djelatnost obavljaju na teritoriji Zeničko-dobojskog kantona, ako to ovim Programom nije drugačije propisano,
- korisnici koji imaju stalno mjesto prebivališta, odnosno pravna lica koja imaju sjedište ili poslovnu jedinicu sa sjedištem na području Zeničko-dobojskog kantona,
- korisnici upisani u registar gazdinstava/klijenata kao nosioci,

2. POSEBNI KRITERIJI

Pravo na ostvarivanje podrški stiču:

- korisnici koji pored općih kriterija ispunjavaju i posebne kriterije propisane ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2023. godini (u daljem tekstu: Uputstvo), koje donosi ministar Ministarstva za poljoprivredu, šumarstvo i vodoprivredu Zeničko-dobojskog kantona,
- korisnici koji su izmirili dospjela poreska i druga dugovanja prema Zeničko-dobojskom kantonu,
- obaveza prijavljivanja, rokovi, tehnika i način obrade podnesenih zahtjeva detaljnije će se propisati Uputstvom,
- u slučaju da odobrene kvote za pojedine vidove podrški ne budu u cijelosti iskorištene, sredstva za tu proizvodnju preusmjerit će se u proizvodnje kod kojih dođe do prekoračenja odobrenih kvota, odobrava se preusmjeravanje iz oblasti u oblast,
- ukoliko, i nakon preusmjeravanja sredstava, dođe do prekoračenja, poticaji će se procentualno smanjiti prema raspoloživim sredstvima,
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje.

A/ PODRŠKA POLJOPRIVREDNOJ PROIZVODNJI

A/1 Animalna proizvodnja

- 1. Podrška za proizvodne farme za tov brojlera** – Podržavaju se proizvodne farme za tov brojlera, kod proizvođača koji su registrovali djelatnost za ovu proizvodnju, koji u vlastitim ili zakupljenim objektima imaju najmanje 300 m² površine proizvodnog dijela objekta za tov brojlera sa iznosom do 4 KM/m² proizvodnog dijela farme, a ukoliko ispunjavaju i druge kriterije koji će biti propisani Uputstvom.
Konačan iznos podrške po jednom farmskom objektu za tov brojlera bit će utvrđen nakon sublimiranja ukupne proizvodne površine farmi koje će biti predmetom podrške.
Cilj: zadržati dostignuti nivo proizvodnje, odnosno zadržati u proizvodnji isti broj farmi sa tendencijom povećanja produktivnosti.
- 2. Podrška za držanje koka nosilja** – Podržava se držanje koka nosilja za farme koje posluju u okviru registrovane djelatnosti sa useljenim 18-nedjeljnim pilenkama lake linije u visini 1,50 KM/pilenki. Proizvodnja se može obavljati u vlastitom ili zakupljenom objektu na području Zeničko-dobojskog kantona. Minimalan broj koka nosilja koji se podržava je

Ministarstvo za poljoprivredu, šumarstvo i vodoprivredu

1.500, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje.

- 3. Podrška za registrovane farme goveda i ostale obrte i pravna lica koji proizvode svježe kravljje mlijeko** – Podržavaju se farme muznih grla koje su registrovane kao pravna lica ili obrti koje na svom gazdinstvu imaju minimalno jedno muzno grlo. Iznos podrške je do 550,00 KM/muznom grlu.

Farme registrovane kao obrt ili pravno lice, a koje ne plasiraju mlijeko i prerađevine od mlijeka u otkup/tržište niti mlijeko koriste za vlastite potrebe za ljudsku ishranu podržavaju se u visini do 150 KM/krava, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje.

- 4. Podrška za registrovanu ovčarsku ili kozarsku proizvodnju** – Podržavaju se registrovane ovčarske ili kozarske proizvodnje koje su registrovane kao pravna lica ili obrti sa osnovnom djelatnošću prema Zakonu o obrtu i srodnim djelatnostima. Iznos podrške je do 4.000,00 KM po registrovanom obrtu ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje.

- 5. Podrška za registrovanu svinjogojsku proizvodnju** – Podržava se svinjogojska proizvodnja za one proizvođače koji su registrovani kao pravna lica ili obrti sa osnovnom djelatnošću prema Zakonu o obrtu i srodnim djelatnostima. Iznos podrške je do 4.000,00 KM po registrovanom obrtu ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje.

- 6. Podrška za registrovani uzgoj izvornih i zaštićenih pasmina životinja** - Podržavaju se fizička i pravna lica, registrovani uzgajivači izvornih i zaštićenih pasmina životinja (bosanski brdski konj, domaća buša, domaći magarac i pas tornjak) u čistoj krvi, koji svoju proizvodnju obavljaju u registrovanim ergelama, farmama i uzgajivačnicama na području Zeničko-dobojskog kantona. Iznos podrške je do 2.000,00 KM po jednom subjektu ukoliko su ispunjeni i drugi kriteriji koji će biti propisani Uputstvom.

Cilj: Sačuvati i unaprijediti tradiciju i baštinu uzgoja autohtonih pasmina životinja na području Zeničko-dobojskog kantona.

A/2 Biljna proizvodnja

- 7. Podrška za proizvodnju presadnica povrća** – Podržava se registrovana proizvodnja presadnica povrća u iznosu od 0,04 KM po proizvedenoj i kontrolisanoj presadnici povrća, te da ispunjavaju i druge kriterije koji će biti propisani Uputstvom.

Cilj: proizvodnja kvalitetnog certificiranog sadnog materijala dostupnog po nižim cijenama – zadržati dosadašnji nivo.

- 8. Podrška za poljoprivrednu proizvodnju u plastenicima i staklenicima** - Podržavaju se poljoprivredni proizvođači koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima u iznosu 6,00 KM/m² i pravni subjekti koji se bave proizvodnjom u plastenicima/staklenicima u iznosu od 1,00 KM/m², ukoliko su ispunjeni i drugi kriteriji koji će biti propisani Uputstvom.

Cilj: povećati površinu pod plasteničkom proizvodnjom i povećati broj uposlenih.

- 9. Podrška za proizvodnju maline, kupine, plantažne borovnice i aronije** – Podržava se proizvodnja maline, kupine, plantažne borovnice i aronije sa iznosom do 0,30 KM/kg, a koju poljoprivredni proizvođači predaju otkupljivaču/prerađivaču registrovanom na području Zeničko-dobojskog kantona. Konačan iznos podrške po jednom kg odredit će se nakon sumiranja prijavljene količine maline, kupine, plantažne borovnice i aronije koja je

Ministarstvo za poljoprivredu, šumarstvo i vodoprivredu

predmet podrške, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje i intenzivirati podizanje novih zasada.

10. Podrška za proizvodnju krastavca-kornišona – Podržava se organizovana proizvodnja krastavca-kornišona u iznosu do 0,20 KM/kg i ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo proizvodnje uz povećanje produktivnosti, odnosno povećanje broja proizvođača i jačanje kapaciteta otkupljivača kornišona na području Zeničko-dobojskog kantona.

11. Podrška za zasnivanje novih zasada jagodičastog voća – Podržava se zasnivanje novih zasada jagodičastog voća (izuzev zasada jagode) na površini od 1 dunuma i više, sa iznosom do 600,00 KM/0,1 ha, u zavisnosti od broja prispjelih zahtjeva, ukoliko su ispunjeni i drugi kriteriji koji će biti propisani Uputstvom.

Cilj: sačuvati postojeći nivo podizanja zasada jagodičastog voća sa namjerom obnavljanja postojećih zasada.

12. Podrška za zasnivanje novih zasada koštičavog, jabučastog i jezgrastog voća - Podržava se zasnivanje novih zasada koštičavog, jabučastog i jezgrastog voća na površini od 2 dunuma i više sa iznosom do 600,00 KM/0,1 ha u zavisnosti od broja prispjelih zahtjeva, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo podignutih zasada i intenzivirati podizanje novih intezivnih zasada koštičavog, jabučastog i jezgrastog voća

13. Podrška za proizvodnju gljiva – Podržava se proizvodnja gljiva (šampinjona i bukovače) sa 50,00 KM/toni kupljenog komposta za pravna lica i obrte koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima, te da ispunjavaju i druge kriterije koji će biti propisani Uputstvom.

Cilj: zadržati dostignuti nivo proizvodnje i ostvariti plasman proizvoda na domaćem i inostranom tržištu.

14. Podrška za registrovanu proizvodnju jagodičastog i ostalog voća – Podržava se proizvodnja jagodičastog i ostalog voća za proizvođače na teritoriji Zeničko-dobojskog kantona koji imaju registrovan obrt u poljoprivrednoj djelatnosti kao osnovnu djelatnost za proizvodnju jagodičastog voća i ostalog voća registrovanih za tu vrstu djelatnosti. Iznos podrške je do 3.000,00 KM po registrovanom obrtu, ukoliko su ispunjeni i drugi kriteriji koji će biti propisani Uputstvom.

Cilj: povećati broj komercijalnih proizvođača koji imaju registrovani obrt

A/3 Organska proizvodnja

15. Podrška za certificiranje organske poljoprivredne proizvodnje – Podržava se certifikacija organske poljoprivredne proizvodnje kod proizvođača koji imaju sertifikat za organsku poljoprivrednu proizvodnju iz oblasti biljne i animalne proizvodnje. Iznos podrške je 2.000,00 KM na ime podnosica zahtjeva, ukoliko su ispunjeni i drugi kriteriji koji će biti propisani Uputstvom.

Cilj: zadržati dostignuti nivo organske poljoprivredne proizvodnje.

B/ PODRŠKA OTKUPLJIVAČIMA/PRERAĐIVAČIMA

16. Podrška otkupljivačima/prerađivačima mlijeka - Podržavaju se otkupljivači/prerađivači mlijeka registrovani na području Zeničko-dobojskog kantona za otkup svježeg mlijeka proizvedenog na područja Zeničko-dobojskog kantona sa 0,02 KM po litru, za onu količinu mlijeka temeljem koje su prema kriterijima Federalnog ministarstva poljoprivrede, vodoprivrede i šumarstva njihovi kooperanti ostvarili novčanu podršku za period od prvog do trećeg kvartala tekuće godine, ukoliko su ispunjeni i drugi kriteriji koji će biti propisani Uputstvom.

17. Podrška otkupljivačima/prerađivačima pilećeg mesa – Podržavaju se registrovani otkupljivači/prerađivači brojlerskog mesa sa područja Zeničko-dobojskog kantona iznosom do 0,10 KM/kg, za otkupljenu količinu od kooperanata sa kojima imaju zaključene ugovore o proizvodnji brojlera, ukoliko su ispunjeni i drugi kriteriji koji će biti propisani Uputstvom.
Cilj: zadržati dostignuti nivo otkupa i prerade.

18. Podrška otkupljivačima svježeg povrća i voća – Podržavaju se otkupljivači svježeg povrća i voća (izuzev jagodičastog i bobičastog voća) u iznosu do 0,10 KM/kg koji od poljoprivrednog proizvođača sa područja Zeničko-dobojskog kantona otkupe svježe povrće i voće, a uz to ispunjavaju i druge kriterije koji će biti propisani Uputstvom.
Cilj: zadržati dostignuti nivo otkupa i ostvariti plasman proizvoda na domaćem i inostranom tržištu.

19. Podrška registrovanim otkupljivačima ljekovitog bilja – Podržavaju se registrovani otkupljivači ljekovitog bilja sa područja Zeničko-dobojskog kantona u iznosu do 0,20 KM/kg koji od proizvođača sa područja Zeničko-dobojskog kantona sa kojima imaju zaključene ugovore o otkupu, otkupe ljekovito bilje.
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

20. Podrška otkupljivačima jagodičastog voća - Podržavaju se pravna lica koja sa proizvođačima jagodičastog voća (izuzev jagode) sa područja Zeničko-dobojskog kantona imaju zaključene ugovore o otkupu jagodičastog voća. Iznos podrške je do 0,10 KM/kg, ukoliko su ispunjeni i drugi kriteriji koji će biti propisani Uputstvom.
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

21. Podrška prerađivačima jagodičastog voća - Podržavaju se pravna lica koja sa proizvođačima jagodičastog voća (izuzev jagode) sa područja Zeničko-dobojskog kantona imaju zaključene ugovore o otkupu, otkupe i zamrznuto jagodičasto voće. Iznos podrške je do 0,15 KM/kg. Prerađivač koji podnosi zahtjev mora imati komore za zamrzavanje i ispunjavati druge kriterije koji će biti propisani Uputstvom.
Cilj: zadržati dostignuti nivo otkupa i osigurati plasman proizvoda na domaćem i inostranom tržištu.

22. Podrška otkupljivačima bobičastog voća i nekultivisanih gljiva -Podržavaju se pravna lica koja otkupe bobičasto voće i nekultivisane gljive. Iznos podrške je do 0,40 KM/kg, ukoliko su ispunjeni i drugi kriteriji koji će biti propisani Uputstvom.
Cilj: zadržati dostignuti nivo otkupa i osigurati plasman na inostranom tržištu.

C/ PODRŠKA KAPITALNIM ULAGANJIMA

23. Podrška za nabavku mehanizacije za poljoprivredu – Podržava se nabavka nove mehanizacije za poljoprivredu u iznosu do 25% vrijednosti poljoprivredne mehanizacije i priključaka za mehanizaciju za poljoprivredne proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu, te da su ispunjeni i drugi kriteriji koji će biti propisani Uputstvom.
Cilj: obnavljanje mašinskog parka kod registrovanih poljoprivrednih proizvođača i uvođenje novih tehnologija u obradi i sjetvi.

- 24. Podrška za nabavku plastenika** – Podržava se nabavka novih plastenika u iznosu do 12,00 KM/m². Podržava se nabavka novih plastenika za poljoprivredne proizvođače koji imaju registrovanu poljoprivrednu djelatnost kao osnovnu djelatnost registrovanu po Zakonu o obrtu i srodnim djelatnostima te da su ispunjeni i drugi kriteriji koji će biti propisani Uputstvom.

Cilj: povećati proizvodne površine u zaštićenom prostoru.

D/ OSTALE VRSTE PODRŠKI

- 25. Podrška registrovanim obrtima iz oblasti pčelarstva** – Podržavaju se pčelari koji ne ostvaruju podršku za druge poljoprivredne proizvodnje, a imaju registrovanu pčelarsku proizvodnju kao osnovnu djelatnost registrovanu po Zakonu o obrtu i srodnim djelatnostima, u iznosu do 3.000,00 KM.

Cilj: unapređenje rada udruženja kroz učlanjivanje što većeg broja pčelara, stimulisati proizvodnju meda i pčelarenje u skladu sa važećom zakonskom regulativom.

- 26. Podrška za ujednačen razvoj općina ruralnog području Zeničko-dobojskog** - S ciljem ravnomjernijeg razvoja poljoprivrede u ruralnom području Zeničko-dobojskog kantona u 2023. godini, iz ukupnog budžeta za poticaje u poljoprivredi izdvajaju se sredstva za dvije općine Kantona (Olovo i Vareš), koje su u posljednje četiri godine imale najnižu realizaciju poticaja i to manje od 1 % od ukupno realizovanih kantonalnih poticaja. Sredstva će se odobravati na osnovu realizovane poljoprivredne proizvodnje na području navedenih općina.

Cilj: Ravnomjerni razvoj općina čija se poljoprivredna proizvodnja zasniva na ruralnom području ZDK.

- 27. Finansiranje sajmovi i izložbi** - Podržava se organizacija i održavanje izložbenih sajmovskih manifestacija i izlaganje životinja, poljoprivrednih proizvoda i prehrambenih proizvoda od kantonalnog značaja, te da su ispunjeni i drugi kriteriji koji će biti propisani Uputstvom.

Cilj: promovisati domaću poljoprivrednu proizvodnju, ostvariti nova saznanja i unaprijediti proizvodnju.

- 28. Nerealizovani zahtjevi iz prethodnog perioda i pomoć u posebnim okolnostima** - Nerealizovani zahtjevi iz Programa utroška sredstava Budžeta Zeničko-dobojskog kantona za poticaje u poljoprivredi iz ranijih godina, a za koje zbog određenih administrativnih poteškoća nije isplaćena novčana podrška ili kada je proizvođač ostvario pravo u ponovljenom postupku provedenom po pravosnažnoj sudskoj presudi iz oblasti novčanih podrški, odnosno po pravosnažnom rješenju donesenom u drugostepenom postupku, ista će se realizovati u skladu sa raspoloživim sredstvima u 2023. godini. Sredstva pomoći, kao specifični zahtjevi određenih ustanova, udruženja, fondacija i organizacija, a koja se odnose na primarnu poljoprivrednu proizvodnju, edukativne projekte i aktivnosti će biti odobravani u skladu sa raspoloživim sredstvima za ove namjene, nakon provedene procedure koja uključuje procjenu vrijednosti i proceduru ostvarivanja prava na naknadu. Sredstva će odobravati Vlada posebnim zaključkom, na prijedlog Ministarstva.

Cilj: realizovati osnovana potraživanja koja su izostala zbog određenih poteškoća, pomoć subjektima koji se bave poljoprivrednom proizvodnjom.

III VISINA I RASPODJELA SREDSTAVA

Sredstva odobrena Budžetom Zeničko-dobojskog kantona za 2023. godinu iznose 5.500.000,00 KM i raspodijeliće se u skladu sa ovim Programom na slijedeće oblasti.

Tabela 1. Raspodjela sredstava po oblastima i vrstama poljoprivredne proizvodnje za 2023. godinu

	Vrsta proizvodnje	Iznos poticaja izražen po jedinici mjere	Procjena iznosa potrebnih sredstava u (KM)
A/	PODRŠKA POLJOPRIVREDNOJ PROIZVODNJI		
A/1	ANIMALNA PROIZVODNJA		
1.	Podrška za proizvodne farme za tov brojlera	do 4,00 KM/m ²	400.000,00
2.	Podrška za držanje koka nosilja	1,50 KM/pilenki	100.000,00
3.	Podrška za registrovane farme goveda i ostale obrte i pravna lica koji proizvode svježe kravlje mlijeko	do 550,00 KM/muznom grlu do 150,00 KM/kravi	1.800.000,00
4.	Podrška za registrovanu ovčarsku ili kozarsku proizvodnju	do 4.000,00 KM/djelatnosti	160.000,00
5.	Podrška za registrovanu svinjogojsku proizvodnju	do 4.000,00 KM/djelatnosti	25.000,00
6.	Podrška za registrovani uzgoj izvornih i zaštićeni pasmina životinja	do 2.000,00 KM/djelatnosti	12.000,00
UKUPNO:			2.497.000,00
A/2	BILJNA PROIZVODNJA		
7.	Podrška za proizvodnju presadnica povrća	0,04/presadnici	50.000,00
8.	Podrška za poljoprivrednu proizvodnju u plastenicima i staklenicima	obrti 6,00 KM/m ² pravni subjekti 1,00 KM/m ²	1.000.000,00
9.	Podrška za proizvodnju maline, kupine, plantažne borovnice i aronije	do 0,30 KM/kg	600.000,00
10.	Podrška za proizvodnju krastavca-kornišona	do 0,20 KM/kg	80.000,00
11.	Podrška za zasnivanje zasada jagodičastog voća (izuzev zasada jagode)	do 600,00 KM/0,1 ha	80.000,00
12.	Podrška za zasnivanje zasada koštičavog, jabučastog i jezgrastog voća	do 600,00 KM/0,1 ha	20.000,00
13.	Podrška za proizvodnju gljiva	50,00 KM/t komposta	30.000,00
14.	Podršku za registrovanu proizvodnju jagodičastog voća i ostalog voća	do 3.000 KM/obrtu	45.000,00
UKUPNO:			1.905.000,00
A/3	ORGANSKA PROIZVODNJA		
15.	Podrška za certificiranje organske poljoprivredne proizvodnje	2.000,00 KM/djelatnosti	15.000,00

UKUPNO:			15.000,00
B/	PODRŠKA PRERAĐIVAČIMA I OTKUPLJIVAČIMA		
16.	Podrška otkupljivačima/prerađivačima mlijeka sa područja Zeničko-dobojskog kantona	0,02 KM/litru	230.000,00
17.	Podrška otkupljivačima/prerađivačima pilećeg mesa	do 0,10 KM/kg	40.000,00
18.	Podrška otkupljivačima svježeg povrća i voća (izuzev jagodičastog i bobičastog voća)	do 0,10 KM/kg	20.000,00
19.	Podrška registrovanim otkupljivačima ljekovitog bilja	do 0,20 KM/kg	15.000,00
20.	Podrška otkupljivačima jagodičastog voća (izuzev jagode)	do 0,10 KM/kg	50.000,00
21.	Podrška prerađivačima jagodičastog voća (izuzev jagode)	do 0,15 KM/kg	50.000,00
22.	Podrška otkupljivačima bobičastog voća i nekultivisanih gljiva	do 0,40 KM/kg	40.000,00
UKUPNO:			445.000,00
C/	PODRŠKA KAPITALNIM ULAGANJIMA		
23.	Nabavka mehanizacije	do 25 %	295.000,00
24.	Nabavka plastenika	do 12,00 KM/m ²	63.000,00
UKUPNO:			358.000,00
D/	OSTALE VRSTE PODRŠKI		
25.	Podrška registrovanim obrtima iz oblasti pčelarstva	do 3.000,00/obrtu	50.000,00
26.	Popdrška za ujednačeni razvoj općina ruralnog području ZDK		100.000,00
27.	Finansiranje sajмова i izložbi		50.000,00
28.	Nerealizovani zahtjevi iz prethodnog perioda i pomoć u posebnim okolnostima		80.000,00
UKUPNO:			280.000,00
UKUPNO (A+B+C+D)			5.500.000,00

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi. (Ovisno o broju zahtjeva, očekuje se prelijevanje sredstava).

IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak, potrebna dokumentacija, obrasci i drugi relevantni podaci.

Korisnici koji apliciraju na pojedine podrške podnose propisanu dokumentaciju za ostvarivanje podrški nadležnom općinskom/gradskom organu, a općinski/gradski organ kompletiranu dokumentaciju prosljeđuje na protokol Kantona.

Izuzetno, ako je to u interesu korisnika, zahtjev za ostvarivanje podrške u poljoprivredi može se dostaviti poštom ili direktnom predajom na protokol Kantona.

Daljnji postupak se provodi u skladu sa Procedurom za ostvarivanje prava na kantonalne novčane podrške u primarnoj poljoprivrednoj proizvodnji ZE-DO-PR-024, utvrđenom u standardima EN ISO 9000:2015 i EN ISO 9001:2015.

Ministarstvo za poljoprivredu, šumarstvo i vodoprivredu
V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2023. godinu ("Službene novine Zeničko-dobojskog kantona", broj: 3/23), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 utvrđen iznos od 5.500.000,00 KM.

Utvrđen iznos realizovaće se u skladu sa prilivom sredstava u Budžetu, a na bazi mjesečnih operativnih planova.

VI KORISNICI SREDSTAVA

Korisnici sredstava su fizička lica, obrti, pravna lica i udruženja koja ispunjavaju propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, otkupljivači, prerađivači poljoprivrednih i prehrambenih proizvoda i dr.)

Broj: 02-_____/23
Datum, 20.04.2023. godine
Z e n i c a

PREMIJER

Amra Mehmedić

DOSTAVLJENO:

1x Ministarstvu za poljoprivredu,
 šumarstvo i vodoprivredu,
1x Ministarstvu finansija,
1x a/a.